

*Simu ingrandati in seme, cum'è matina è sole
Duve ch'o ci era eiu ci ere tù, quand'hè venuta l'ora
Di diccilu l'amore, s'hè apertu lu fiore giuventù*

Dumane ti ne vai, ne trincanu e to strade
I toi l'anu decisa cusì, a nostra vita ormai
Averà stonde amare, anch'ella e so ferite à guarì

Ùn ci ne vale pienti, ne ricumandazioni
A luntanza tomba ogni vulè, morenu in li silenzi
E più grandi passioni, ùn torna ch'è fulena u piacè

*Si n'hè vistu digià, innamorati à bastanza
Si n'hè vistu digià, maladì a spiccanza*

*Ma simu sempre à tempu, di metteci à palesu
U nostru amore tandu ingrandarà , li daranu accunsentu
À ciò ch'era difesu, quelli chì ci anu vulsutu spiccà*

Sò torna celu immensu, quelli ochji ammachjati
I to basgi mi dicenu di sì, i ci femu stasera
I più belli viaghji, demu vita à u sognu natu quì

Quand'è no vultaremu, coppiu di fughjiticci
U paese addunitu cantarà, i toi cù i mei
Senza più fà caprici, si metteranu anch'elli à festighjà
Emu da campà, Emu da campà, Emu da campà in seme...